

ՀՈԳԵԾՆՈՐՀ Տ. ՍՄԲԱՏ ԱՔԵՂԱ ՊՈՂՈՍԹԱՆԻ ԱՆԴՐԱՆԻԿ ՔԱՐՈԶԸ Ս. ՇՈՂԱԿԱԹ ԵԿԵՂԵՑՈՒՄ

Սիրելի բարեպաշտ և հավատացյալ քույրեր և եղբայրներ, Հայաստանյայց Առաքելական Սուրբ Եկեղեցու սիրասուն գավակներ.

Շուրջ քառասուն օր առաջ Միածնաէջ Մայր Տաճարում եւ իմ հոգևոր 5 եղբայրների հետ միասին ուխտեցի ծառայել Հայ Եկեղեցուն որպես հոգևորական և, համաձայն վեհափառ Հայրապետի բարձր կարգադրության, ձեռամբ Շահե արքեպիսկոպոս Աճեմյանի, արժանացա ջահանջայական օծման, և ահա այսօր իմ ուխտի անդրանիկ պատարագն եմ մատուցում ի փառս Աստուծո և ի վայելումն հավատացյալ ժողովրդի:

Սուրբ Խորանից հիշում եմ երախտաշատ, երջանկահիշատակ Վազգեն Առաջին Կաթողիկոսին, որի հայրապետության տարիներին ընդունվեցի ճեմարան: Նրա լուսավոր հոգուն մաղթում եմ հավիտենական քնակություն երկնային կայաններում:

Որդիական սիրո և երախտագիտության խոսք եմ հղում առ Ն. Ս. Օ. Տ. Տ. Գարեգին Ա Կաթողիկոսին Ամենայն Հայոց, որ արժանացրեց նվաստիս Հայ Եկեղեցու միաբանության անդամ լինելու: Ծանկանում եմ նրան գահակալության երկար տարիներ և մաղթում, որ Տերը հովվե մեր հովվապետին, որպեսզի նա էլ հովվե ազգը հայոց ի Հայաստան և ի սփյուռս աշխարհի: Ի խորոց սրտի երախտապարտ եմ Շահե արքեպիսկոպոս Աճեմյանին, որ ինձ համար հոգևոր ծնող հանդիսացավ և ձեռնադրության հոգեպարար արարողությամբ ջնջեց իմ ապրան կյանքի բոլոր մեղավոր էջերը, վերածննդի կոչեց՝ հետապնդ միայն հոգևոր ասպարեզի սերմնացան լինելու նպատակով:

Շնորհակալական խոսք եմ հղում Մայր Աթոռի դիվանապետ Գերաշնորհ Տ. Ներսես արքեպիսկոպոս Պողապալյանին, որ ճեմարանի վերատեսուչ էր, և նրա հայրական բարեխնամ և գործազուր ձեռքի տակ անցան ուսումնառությանս տարիները, ինչպես նաև Մայր Վանքի լուսարարապետ Հուսիկ արքեպիսկոպոս Սանթրոյանին, որի հորդորներով սովորեցիմք Հայ Եկեղեցու արարողությունները: Շնորհակալություն նաև գիտության ակնաղբյուր հանդիսացող հոգևոր ճեմարանի դասախոսական ողջ կազմին:

«Յանուն Հոր և Որդույն և Հոգւոյն Սրբոյ. ամէն»:

*«Որ ի լերինն այլակերպեալ ցուցեր զաստուծոյ
ծային քո՝ զորութիւնդ՝ զքեզ փառաւորեմք իմա-
նայի լոյս»:*

Սիրելի հավատացյալ քույրեր և եղբայրներ.

Այսպես է սկսվում օրհնության շարականը քերթողահայր Սուրբ Մովսես Խորենացու՝ նվիրված մեր հոգիների Տեր և Փրկիչ Հիսուս Քրիստոս Աստուծո

պայծառակերպության տոնին. «Որ լեռան վրա այլակերպվելով ցույց տվեցիր քո աստվածային գործությունը՝ քեզ ենք փառավորում իմանալի լույս»:

Հայ Եկեղեցին ամեն տարի մեծ շուքով տոնում է ամենամեծ տաղավարաց տոներից երրորդը, որ կոչվում է «Այլակերպութիւն Տեառն մերոյ և փրկչի Յիսուսի Քրիստոսի»:

Այսօր լույսի տոն է:

Սարկավազը ընթերցեց Սուրբ Մատթեոս ավետարանչի Ավետարանի այն հատվածը, որտեղ պատմվում է այն մասին, թե ինչպես մեր Տերը Փիլիպյան Կեսարիայի կողմերը գնալով հարցրեց աշակերտներին, թե մարդիկ ինչ են ասում իր մասին. «Ո՛վ եմ ես»: Եվ աշակերտները պատասխանեցին նրան. «Ոմանք ասում են, թե Հովհաննոս Մկրտիչը, ոմանք՝ Եղիա մարգարեն, իսկ ուրիշներն էլ՝ մարգարեներից որևէ մեկը»: Ապա դարձյալ հարցրեց. «Իսկ դուք ինչ եք ասում, ո՛վ եմ ես»: Պետրոսը պատասխանեց. «Պե՛տ Ես Քրիստոսը՝ Կենդանի Աստուծո՞ւ որդի՞ն»: Եվ Հիսուս ասաց. «Երանի է քեզ, Սիմոն Հովհանի որդի, որովհետև մարմինը և արյունը չէ, որ հայտնեց քեզ, այլ իմ հայրը, որ երկնքում է»: Եվ խստիվ պատվիրեց աշակերտներին, որ ոչ ոքի չասեն, թե ինքն է Քրիստոսը:

Վեց օր հետո Հիսուս իր հետ վերցրեց երեք ամենասիրելի աշակերտներին՝ Պետրոսին, Հակոբոսին և Նրա եղբորը՝ Հովհաննեսին, և միասին բարձրացան Նազարեթի ընդարձակ հովտի վրա իշխող Թաբոթ լեռան հրաշագեղ բարձունքը, և նրանց առջև պայծառակերպեց: Նրա դեմքը փայլեց, ինչպես արեգակը, և զգեստները դարձան սպիտակ, ինչպես լույսը: Տեսան աշակերտները Նրան կանգնած Հին Ուխտի երկու մեծ ռաֆվիրաների՝ Մովսես ու Եղիա մարգարեների հետ մտերիմ զրուցելու պահին: Պետրոսը հափշտակված տեսիլքով հիացմունքի մեջ հանդգնում է ընդհատել նրանց ասելով. «Տեր, լավ է, որ մենք այստեղ ենք: Եթե կամենաս, երեք տաղավարներ կպատրաստենք, մեկը՝ քեզ համար, մեկը՝ Մովսեսի, մեկն էլ՝ Եղիայի»: Բայց հանկարծ լուսավոր մի ամպ ծածկում է նրանց և լույսի ցույքերի միջից լսվում է խորհրդավոր մի ձայն, որ ասաց. «Պա՛հ է իմ սիրելի Որդին, որին հավանեցի, դրան լսեցեք»: Առաքյալները սարսափած գետին են ընկնում: Մոտենում է Հիսուս և ասում. «Ուղի ելեք և մի վախեցեք»: Առաքյալները խաղաղված վեր են մայում և տեսնում են միայն իրենց վարդապետին՝ խաղաղության և սրբության բարձունքի վրա: Ահավասիկ ամբողջ դեպքը, որի մեջ աստվածաճալատության մեծ երաշխիքը կա, քանզի լուսաշող ամպերի միջից եկող ձայնը Սուրբ Հոգու վկայությունը եղավ, ինչպես մկրտության պահին Հորդանան գետում, երբ Հովհաննես Մկրտիչը շրո՛վ մկրտում էր Քրիստոսին, Սուրբ Հոգին աղավաճակերպ իջավ նրա վրա: Երկնքից մի ձայն լսվեց, որ ասաց. «Պա՛հ է իմ սիրելի Որդին, որն ունի իմ ամբողջ բարեհաճությունը»:

Անշուշտ, ըստ ավանդության, բոլորս գիտենք, որ մախարիստոնեական ժամանակաշրջանում հայերը մավասարդ ամսվա ընթացքում Ամաթիա դիցուհուն մվիրված տոն են ունեցել: Մեր Սուրբ հայրերը ըստ Գրիգոր Լուսավորչի

մտածման վարդապատի տոնը պատշաճեցրել են մեր Տիրոջ այլակերպության տոնին:

Այժմ ահա պայծառալույս արեգակը գտնվում է երկնակամարի բարձրագույն դիրքերում և մեզ վրա սփռում է իր կենսատու ճաճանշները՝ մեզանից հեռացնելով ծմեռվա շունչը, երբ ամեն տեղ կանաչ է ու հասունացող քերք. հովիտները գեղեցկացել են երփներանգ ծաղիկներով և պարտեզները՝ բուրավետ վարդերով, տոնում ենք վարդապատի տոնը: Սուրբ Գրիգոր Տաթևացին ասում է, որ ինչպես վարդը փակված լինելով պատյանում ցույց չի տալիս իր գեղեցկությունը և չի բուրդում իր ամուշահոտությամբ, նույնպես նաև մեր Տերը միշտ լինելով աշակերտների հետ ցույց տվեց նրանց իր աստվածային ամբողջ զորությունը միայն այլակերպության պահին լուսապայծառ տեսքով:

Եվ արդ, ո՞րն է խորհուրդը այսօրվա լուսաշող տոնի: Սիրելի հավատացյալներ, Հիսուսի այլակերպությունը մեծագույն հավաստիքը եղավ իր աստվածային առաքելության, և առաքյալները խորապես համոզվեցին, թե սովորական մարդկանցից տարբեր խորհրդավոր զարմանահրաշ մի անձնավորություն է իրենց Ուսուցիչը, և հաստատուն համոզումը ունեցան, որ պատրանք չէ իրենց պաշտամունքի վարդապետը:

Այլակերպության պահին առաքյալները ճաշակեցին իրենց ապրած կյանքի ամենաներանդի վիճակը և տարիներ շարունակ պահեցին այդ հուշը որպես անցյալից եկող զմայելի մի պատկեր: Եվ տարիներ հետո Տիրոջ սիրելի կրտսերագույն աշակերտը պետք է վկայեր նրա փառքի սասին գրելով. «Տեսա՞նք փառքը Հոր միածնի, լի շնորհքով և ճշմարտությամբ» (Հովհ. Ա 14): Երբ ամբողջ Թաքոր լեռը լուսավորված էր երկնային լույսով, Առաքյալները պայծառատեսությամբ ունեցան հասկանալու վարդապետի երկնային նկարագիրը, քանզի նրա լուսաշող դեմքից ճառագայթող լույսն առաջացել էր ոչ թե արևի ճառագայթներից, այլ իր ներքին էությունից, հոգեղեն նշանակից, որի ակնադրյունն ու արմատը Արարիչն Աստված է, որով և ցույց տվեց, թե ինքը Հոր մեջ է և Հայրն իր մեջ:

Կանգնած էր փառքի Տերը, ողողված լույսերի մեջ՝ իր կողքին ունենալով Մովսես մարգարեն, որն Իսրայելի առաջին Փրկիչն էր և օրենսդիրը հրեական կրոնի, որի դեմքը նույնպես լուսափայլում էր, երբ Սինա լեռից իջնում էր՝ իր հետ բերելով Տասնաբանյա պատվիրանները, և Եղիան, որ ոսկեճուղի հրեղեն կառքով երկինք բարձրացավ այլևս չվերադառնալով:

Լույսի և կրակի մարդիկ եկել էին վկայելու հոր Լույսին, որ փողփողում էր Թաքոր լեռան գագաթին, որ ասել էր «Ես եմ լույսն աշխարհի» (Հովհ. Ը 12):

Եվ այդ Լույսը, ինչպես մեկնաբանում է Հովհաննես աստվածաբան ավետարանիչը, եկել և բնակություն էր հաստատել մարդկանց մեջ ու լուսավորում էր խավարի մեջ, և խավարը նրան չնվաճեց:

Մենք տեսնում ենք միայն մարդկանց արտաքինը, և մեր աչքերը անհաղորդ են նրանց ներքին լույսին: Բայց կան պահեր, երբ մարդու դեմքը լուսավորվում է ներքին լույսով, և այդ պահին միայն կարող ենք տեսնել բուն մարդուն, նրա հոգին:

Յուրաքանչյուր մարդ, որեւէ վսեմ գաղափարի նվիրված անհատ իր մեղքերից և տիպիկ մտքերից թոթափվելու համար պետք է ունենա թր թաքոր լնդը, որի գրավականը աղոթքն է՝ հոգու մաքրությունը, Սուրբ Ավետարանի պատգամների պահպանումը, որպեսզի կարողանանք վստահ քարքառել. «Տէր ծագեալ գանձիցս մեր Լոյս քո իմամալի»:

Մեր Տեր և Փրկիչ Հիսուս Քրիստոս Աստուծո պայծառակերպության շողերի հետ միասին քոյտրին հոգիներում թող սփռվի շնորհք, ներ և խաղաղություն, այժմ և միշտ և հավիտյանս հավիտենից ամեն:

